



Broj: T18 0 KT 0017045 23
Brčko, 14.08.2024. godine

OPTUŽNICU

Protiv:

OSMANA HUSEJNOVIĆA ... rođen ... 1989. godine u Brčkom (...)

Što je:

Dana 04.06.2023. godine oko 02,00 sata poslije ponoći u Brčkom, u stanu u kojem živi sa porodicom u naselju Prutače na kućnom broju ..., nalazeći se u stanju smanjene računljivosti, što je uticalo na njegovu sposobnost da shvati značaj svoga djela i da upravlja svojim postupcima, a sve usljed prisutne umjerene alkoholisanosti u njegovom organizmu i prethodnog korištenja anksiolitika i narkoanalgetika u terapijskim dozama, boraveći u dnevnom boravku sa suprugom R. Š. i njihovom zajedničkom 13-godišnjom kćerkom *mldb 1*, nakon cjelodnevnog svađe sa R, tokom koje ju je vrijeđao, pljuvao i natjerao da sama sebi sa mašinom za šišanje ošiša dio kose na glavi, i fizički nasrnuo R, te joj u više navrata zatvorenom šakom zadavao udarce u predjelu glave i tijela nanoseći joj povrede, zbog čega *mdb.1* odlazi po pomoć kod komšija A. H.1 i njegove supruge A. H.2 koji su došavši bezuspješno pokušavali da smire Osmana, već Osman šalje *mldb. kćerku* da mu iz stana njegove majke, u kojem ga je čuvao sakrivenim, donese pištolj koji je, iako svjestan da je građanima zabranjeno nabavljanje, držanje i nošenje oružja koje se svrstava u oružje kategorije B bez odgovarajuće isprave o oružju, iz člana 6. alineja 1) tačka b) Zakona o oružju i municiji Brčko distrikta BiH, a što je sve protivno članu 7. stavu (3) Zakona o oružju i municiji Brčko distrikta BiH (Službeni glasnik Brčko distrikt BiH broj 39/11, 02/12, 06/13), isti nabavio i držao u stanu njegove majke H. H., pa kada mu je donesena torbica sa pištoljem, Osman je izvadio pištolj marke „Crvena zastava“ model 70, serijskog broja S-201743, kalibra 7,65 mm, sa kojim policija traga kao ukradenim, te probao da iz njega ispalji jedan metak u pravcu poda sobe, shvativši da pištolj nije napunjen, uzeo je njegov okvir za municiju i napunio ga sa najmanje pet pripadajćih metaka kalibra 7,65 mm, te tako napunjenog vidno ga stavio u pojas pantalone, pa i dalje nastavio da galami i vrijeđa R., da bi u momentu kada su komšije A. H.1 i njegova supruga A. H.2 krenuli da napuste stan, shvativši da su nemoćni da obuzdaju Osmana, pri čemu ih Osman i sam udaljava iz stana govoreći im „da će on svejedno uraditi ono što je i naumio“, pa u namjeri da svoju suprugu R. Š. liši života, svjestan da ispaljivanjem metaka iz vatrenog oružja u pravcu R. istu može usmrtniti, što je i htio, uperio navedeni pištolj prema R. glavi, dok su ubližu sjedili na kauču, te ispalio jedan metak R. u glavu, nanijevši joj strelno povređivanje glave tipa prostrela, sa ulaznim strelnim otvorom desno u predjelu obrve, promjera oko 0,5-1,0 cm, koja se nastavlja prostrelnim kanalom u smjeru desna ulijevo te nešto nadolje i unazad, kroz desnu očnu jabučicu (sa njenim razorenjem), unutrašnji zid desne očne duplje, dijelove klinaste i sitaste kosti središnjeg dijela baze lobanje, lijevi gornje-viličasti sinus (uz izliv krvi u njegov zjap kao i u zjap klinastost te u ćelije sitaste kosti), krak lijeve donje-viličaste kosti uz prisustvo sitnih koštanih fragmenata u lijevoj zaušnoj žlijezdi, završavajući se na lijevoj bočno-gornjoj strani vrata u vidu dvije horizontalno i međusobno paralelne, postavljene jedna ispod druge, laceracije kože, što je ovakvim strelnim povređivanjem izazvalo kod R. potpuni gubitak desnog oka / očne jabučice, kao važnog dijela tijela, odnosno organa, da bi tada i sam tražio od A. da zove hitnu pomoć jer je ubio R.,

dakle, pokušao drugog lišiti života i bez važeće isprave o oružju nabavio i držao oružje kategorije B,

čime je, u sticaju, počinio krivično djelo -Ubistvo- u pokušaju iz člana 163. stav (1) u vezi sa članom 28. Krivičnog zakona Brčko distrikta BiH i krivično djelo -Neovlašćena nabavka, držanje ili prodaja oružja ili bitnih dijelova za oružje- iz člana 65. Zakona o oružju i municiji Brčko distrikta BiH, a sve u vezi sa članom 54. Krivičnog zakona Brčko distrikta BiH.

[...]

III Predlažem da Osnovni sud Brčko distrikta BiH na osnovu člana 78. stava (2) Krivičnog zakona Brčko distrikta BiH osumnjičenom Osmanu Husejnoviću izrekne mjeru sigurnosti oduzimanja predmeta, i to pištolja marke „Crvena zastava“ modela 70, serijskog broja S-201743, kalibra 7,65 mm, kao predmeta koji je osumnjičeni upotrijebio pri počinjenju predmetnog krivičnog djela, a za kojim je CJB Bijeljina raspisala potragu kao ukradenim.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.
